



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, den 17/07/2020

**Här President,**

**Sou wéi den Artikel 83 vun eisem Chambersreglement et virgesäit, biede mir Iech, dës parlamentaresch Fro un d'Ministere fir Mobilitéit & Ëffentlech Aarbechten weiderzeleeden.**

A senger Äntwert op d'parlamentaresch Fro n°1273 vum éischten Oktober 2019 hat de Minister fir Mobilitéit an Ëffentlech Aarbechten geäntwert, datt d'Pistenerneierung um Findel fir d'Fréijoer 2021 virgesi wär a ronn zwee Joer dauere wäerten.

Iwwert déi zwee Joer wäert all Nuecht am Fréijoer bis an den Hierscht eran tëschent 23h00 a 6h00 d'Landepiste um Findel zoumaachen, fir datt d'Piste da Meter fir Meter kann erneiert ginn. Dës Schléissung ass néideg, well um Findel jo nëmmen eng Piste existéiert, déi am Normalbetrieb ab 6h00 erëm muss disponibel sinn.

Während der Coronakris ass vun Normalbetrieb um Findel allerdéngs net ze schwätze gewiescht. Wéinst de Grenzschréissungen uechter Europa ass de Passagéierverkéier um Findel zum Stëllstand komm.

Nieft den Aktivitéiten am Cargoberäich goufen et just nach vereenzelt Trainingsflich, medezinesch Evakuéierungen vu Persoune mat Gesondheetsproblemer a Staatsflich, bei deene kee Cargo op- oder ofgeluede gouf, wéi de Minister eis op eis Fro n°2272 geäntwert hat.

An deem Zesammenhang wéilte mir de Ministeren dës Froe stellen:

1. Firwat huet Luxairport während dëser dach roueger Period um Findel net schonns mat der Pistenerneierung ugefaangen, wëssend, datt d'Erneierung ronn 2 Joer an Uschlag hält, et alternativ Landepisten an der Groussregioun ginn an een esou schonns e puer Méint hätt kéinte mat der Erneierung weiderkommen?
2. Wéi vill Fluchbeweegunge goufen et am Duerchschnëtt pro Dag um Findel
  - virun Ufank vum Ausnamezoustand?
  - während dem Ausnamezoustand?
  - nom Ausnamezoustand?



[www.piraten.lu](http://www.piraten.lu)

Mat déiwem Respekt,



CLEMENT Sven  
Député

Mat déiwem Respekt,



GOERGEN Marc  
Député

